

Wilde Bloome

Text: Robert Pütz Musik: Jürgen Fritz

Wilde Bloome blöhe heimlich en d'r Eck
Se blöhe off für sich allein blieven jän versteck
Mer fingk se nit en Bloomebeete se waaßen nit em Pott
Mer kann se nit zom Strüssje bingje do wör de Schönheit fott

Du bes wie en wilde Bloom för mich
Bes nit för ze plöcke
Du bruchs ding Freiheit mih als ich
Mer darf dich nit - mer darf dich nit zerdröcke

Et sin die ruude Ruuse wo all die Lück drop ston
Doch nur die wilde Blöömcher han et mir anjedon
Buschwindrösje - Hahnefößje un och d'r Enzian
Wat mer en d'r Kopp esu kütt luure ich dich an

Du bes wie en wilde Bloom för mich
Bess nit för ze plöcke
Du bruchs ding Freiheit mih als ich
Mer darf dich nit - mer darf dich nit zerdröcke

SOLO

Mer fingk se nit en Bloomebeete se waaßen nit em Pott
Mer kann se nit zom Strüssje bingje do wör de Schönheit fott

Du bes wie en wilde Bloom för mich
Bes nit för ze plöcke
Du bruchs ding Freiheit mih als ich
Mer darf dich nit zerdröcke

Du bes wie en wilde Bloom för mich
Bes nit för ze plöcke
Du bruchs ding Freiheit mih als ich
Mer darf dich nit - mer darf dich nit zerdröcke